

晚晴集

附永覺和尚廣錄摘要

慈慧梵行法門偈

靈芝律師

酒肉與婬欲

三者不相離

若人噉酒肉

色力既充盛

慈思行婬欲

若人荒婬欲

血肉既枯燥

必思噉酒肉

若人斷酒肉

自然離婬欲

若人離婬欲

自然忘酒肉

能除此三事

一切戒具足

若不斷此三

長因三有獄

談禪與說教

悉是謗佛法

智覺禪師云

若不戒食肉

永斷慈悲種

若不戒飲酒

永斷智慧種

若不戒婬欲

永斷清淨種

戒肉顯本慧

戒酒發本慧

戒婬復本淨

本淨卽法身

本慧是般若

本慈爲解脫

三身及三德

悉由三事生

是故此法門

名慈慧梵行

咸依大乘教

盡是諸佛言

普願如說行

同生極樂國

晴集 上卷

釋弘一

若失本心，即當懺悔。懺悔之法，是爲清涼。

金剛三昧經

菩薩若能隨順衆生，則爲隨順供養諸佛。若於衆生尊重承事，則爲尊重承事如來。若令衆生生歡喜者，則令一切如來歡喜。

華嚴經普賢行願品

我若多瞋及怨結者，十方現在諸佛世尊皆應見我，當作是念：云何此人欲求菩提，而生瞋恚，及以怨結？此愚癡人，以瞋恨故，於自諸苦不能解脫，何由能救一切衆生？

華嚴經修慈分

迦葉白佛：我等從今當於一切衆生生世尊想，若生輕心，則

爲自傷。佛言：善哉！快論。

首楞嚴三昧經依寶王論節文

應代一切衆生受加毀辱惡事，而自己好事與他人。經

梵網

離貪嫉者能淨心中貪欲雲翳。猶如夜月衆星圍繞。

理趣六教
羅蜜多經

生死不斷絕貪欲嗜味故養怨入丘塚虛受諸辛苦。

大寶積經
富樓那會

是身如掣電類乾闥婆城云何於他人數生於喜怒。

諸法集
要經

瞋恚之害則破諸善法壞好名聞今世後世人不喜見。

佛遺
教經

行少欲者心則坦然無所憂畏觸事有餘常無不足。

同上

身語意業不造惡不惱世間諸有情正念觀知欲境空無益

之苦當遠離。

有部律
周利槃陀伽尊者三月
不能誦得即此伽陀也。

名譽及利養愚人所愛樂能損害善法如劍斬人頭。

同上

世間色聲香味觸常能誑惑一切凡夫令生愛著。

智者大師

瞋是失佛法之根本墜惡道之因緣法樂之冤家善心之大

賊種種惡口之府藏。

同上

凡夫學道法。唯可心自知。造次向他道。他即反生誹謗。觀少
言說。人重德能成。遠衆近靜處。端坐正思惟。但自觀身行口。
勿說他短。結舌少論量。默然心柔軟。無知若瞽盲。內智懷寶
貨。頭陀樂閑靜。對修離懈惰。造宣律師

處衆處獨宜。韜宜晦。若啞若聾。如癡如醉。埋光埋名。養智養
慧。隨動隨靜。忘內忘外。羣巖禪師

我且問你。忽然臨命終時。你將何抵敵生死。須是閒時辦得。
下忙時得用。多少省力。休待臨渴掘井。做手脚不迭。前路茫
茫。胡鑽亂撞。苦哉苦哉。黃檗禪師

鼻有墨點。對鏡惡墨。但揩於鏡。其可得耶。好惡是非。對之前
境。不了自心。但尤於境。其可得耶。洗分別之鼻墨。則一鏡圓。

淨矣。萬境咸真矣。執石成寶矣。衆生卽佛矣。飛錫法師

修行人大忌。說人長短是非。乃至一切世事。非干己者。口不可說。心不可思。但口說心思。便是昧了自己。若專鍊心。常搜己過。那得工夫。管他家屋裏事。粉骨碎身。唯心莫動。收拾自心。如一尊木雕聖像。坐在堂中。終日無人。亦如此。幡蓋簇擁。香花供養。亦如此。讚歎亦如此。毀謗亦如此。修行人常常心上無事。時時刻刻。體究自己。本命元辰端的處。盤山禪師元無我人。爲誰貪瞋。圭峯法師

報緣虛幻。不可強爲。浮世幾何。隨家豐儉。苦樂逆順。道在其中。動靜寒溫。自愧自悔。佛眼禪師

學道人。逐日但將檢點他人底工夫。常自檢點。道業無有不

辦。或喜或怒。或靜或鬧。皆是檢點時節。大慧禪師

化人問幻士。谷響答泉聲。欲達吾宗旨。泥牛水上行。永明禪師
千峯頂上一茅屋。老僧半間雲。半間。昨夜雲隨風雨去。到頭
不似老僧閑。歸宗芝菴禪師

過去事已過去了。未來不必預思量。只今便道即今句。梅子
熟時。梔子香。石屋禪師

卽今休去便休去。若覓了時無了時。雲峯禪師

瑣瑣含生。營營來去者。等彼器中蚊蚋。紛紛狂鬧耳。一化而
生。再化而死。化海漂蕩。竟何所之。夢中復夢。長夜冥冥。執虛
爲實。曾無覺日。不有出世之大覺大聖。其孰與而覺之歟。仁
潮禪師

縱宿業深厚，不能頓斷。當方便制抑，自勸自心。妙叶禪師放開懷抱，看破世間，宛如一場戲劇，何有真實。蓮池大師達宿緣之自致了，萬境之如空，而成敗利鈍，興味蕭然矣。上同伊庵權禪師用功甚銳，至晚必流涕曰：今日又只恁麼空過。未知來日工夫如何。師在衆，不與人交一言。同上。

畏寒時欲夏，苦熱復思冬。妄想能消滅，安身處處同。草食

勝空腹茅堂過露居。人生解知足，煩惱一時除。同上。

人之過惡深重者，亦有效驗。或心神昏塞，轉頭即忘，或無事而常煩惱，或見君子而赧然消沮，或聞正論而不樂，或施惠而人反怨，或夜夢顛倒，甚則妄言失志，皆作孽之相也。苟一類此，即須奮發，舍舊圖新，幸勿自誤。袁了凡。

只強順人情，勉就世故八箇字，誤卻你一生大事。道業未成，無常至速。急宜斂迹，韜光一心向道，不得再誤。西方確指，深潛不露，是名持戒。若浮於外，未久必敗。有口若啞，有耳若聾，絕群離俗，其道乃崇。同上

種種惡逆境界，盡情看作真實，受益之處。名利聲色飲食衣服讚譽供養，種種順情境界，盡情看作毒藥毒箭。滿慈大師將身心世界全體放下，作一超方特達之觀。同上

善友罕逢，惡緣偏盛，非咬釘嚼鐵，刻骨鏤心，何以自拔哉。何不趁早放下幻夢塵勞，勤修戒定智慧。同上

勿貪世間文字詩詞，而礙正法。勿逐慳貪嫉妒，如我慢鄙覆習氣，而自毀傷。同上

內不見有我。則我無能。外不見有人。則人無過。一味癡呆。深自慚愧。劣智慢心。痛自改革。同上

離菊數莖。隨上下。無心整理。任他黃。後先不與時花競。自吐霜中一段香。誦帚禪師

從今以後。願遯世不見知而不悔。作一齋公。齋婆。同廚房。竈下安隱過日。今生不敢復作度人妄想。彭二林

幸賴善緣。得聞法要。此千生萬劫。轉凡成聖之時。尙復徘徊岐路。乍前乍卻。則更歷千生萬劫。亦如是而止耳。況輾轉淪陷。更有不可知者哉。同上

輪轉生死中。無須臾少息。猶復熙熙如登春臺。曾不知佛與菩薩爲之痛心而慘目也。同上

汝信心頗深。但好張羅。及好遊。好結交。實爲修行一大障。祈
沈潛杜默。則其益無量。戒之。印光法師

汝是何等根機。而欲法法咸通耶。其急切紛擾。久則或致失
心。同上

當主敬存誠。於二六時中。不使有一念虛浮怠忽之相。及與
世人酬酢。唯以忠恕爲懷。則一切時。一切處。惡念自無從而
起。同上

直須將一个死字。原註云此字好得很挂到額顙上。同上

弘一律師。自號晚晴老人。蓋取李義山詩天意憐幽草。
人間愛晚晴句。律師於辛巳年掩關本寺。集佛經祖語
警句二卷。以晚晴名焉。
福林傳貫謹識

弘一律師涅槃銘記

弘一律師內號演音俗姓李諱成蹊以字惜霜號叔同行祖籍浙江平湖後徙天津父筱樓公有碩德母王氏生有瑞徵早歲畢業上海南洋公學東京上野美術專校開藝界留學先河致力革命間主報政執教京杭間一時稱師表生平精詩古文詞繪畫金石書窺秦漢魏晉以來各體獨創一格民國七年禮了悟和尚出家杭州虎跑寺精研律藏指歸淨土以精嚴持己以平易臨人有手書經訓及著述多種四分律戒相表運絕藝以闡幽沉尤爲不二法寶十六年後多在閩宏法三十一年夏來居朱文公講院講八大人覺經夏歷九月初四日酉時示寂世壽六十三僧臘二十四茶毘得舍利千餘以數顆供茲塔塔爲記涅槃而建因丁國難略觀厥成若宏規模資讚仰有俟異日之生身舍利塔焉銘曰

道則佛藝則神紹南山八百載墜緒靈芝以後此一人小山隈梅石隣考亭講席跡未湮公繼過化儒釋長親後先輝映萬千春

晚晴集 下卷

若善男子、善女人。聞說淨土法門。心生悲喜。身毛爲豎。如拔

出者。當知此人。此過去宿命已作佛道來也。

無量清淨平等覺經
依迦才淨土論引文

汝今亦可自厭生死老病痛苦。惡露不淨。無可樂者。

無量壽經

無憂惱處。我當往生。不樂閻浮提濁惡世也。觀無量壽佛經

纔有病患。莫論輕重。便念無常。一心待死。善導大師

我未曾見聞慈悲而行惱。互共相瞋恚。願生阿彌陀。若人如

性河。惡口加刀杖。如是皆能忍。則生清淨土。諸法無行經

生宏律範。死歸安養。平生所得。唯二法門。靈芝元照律師

凡聞惡聲。則念阿彌陀佛。以消懷之。願一切人不爲惡行。凡

見善事。則念阿彌陀佛。以贊助之。願一切人皆爲善行。無事

則默念阿彌陀佛常在目前。使念念不忘。能如此者。其於淨土決定往生。王龍舒

人生能有幾時。電光眨眼便過。趁未老未病。抖身心。撥世事。得一日光景。念一日佛名。得一時工夫。修一時淨業。由他命終。我之盤纏預辦。前程穩當了也。若不如此。後悔難追。天如禪師如就刑戮。若在狴牢。怨賊所追。水火所逼。一心求救。願脫苦輪。同上

於此土聲色諸境。作地獄想。苦海想。火宅想。諸寶物。作苦具想。飲食衣服。如膿血鐵皮想。妙叶禪師

此界釋迦已滅。彌勒未生。賢聖隱伏。衆生奔波苦海。猶失父之兒。若不以極樂願王爲歸。誰爲救護。同上

聞教便行。奚待更勸。同上

惟名聞利養。甜愛。輒賊。及瞋心瞋火。雖有佛力。不能救焉。行者當深加精進。以攘卻之。同上

又復當護人心。勿使誇嫌。動用自若。息世雜善。不貪名利。將過歸己。捐棄伎能。惟求往生。同上

節錄

娑婆有一愛之不輕。則臨終爲此愛所牽。矧多愛乎。極樂有一念之不一。則臨終爲此念所轉。矧多念乎。幽溪法師

若生恩愛時。當念淨土眷屬。無有情愛。何當得生淨土。遠離此愛。若生瞋恚時。當念淨土眷屬。無有觸惱。何當往生淨土。得離此瞋。若受苦時。當念淨土無有衆苦。但受諸樂。若受樂時。當念淨土之樂。無央無待。凡惡緣境。皆以此意而推廣之。

則一切時處無非淨土之助行也。同上

如何說得娑婆苦。苦事紛紛等蜩毛。西齋禪師

當屏人獨處自辦道業。以設像爲師。經論爲侶。袁宏道

五濁惡世寒熱苦惱穢相熏炙。不容一刻居住。同上

問。人不信淨土。恐只是本來福薄。答。此言甚是。蓮池大師

余下劣凡夫。安分守愚。平生所務。惟是南無阿彌陀佛六字。

今老矣。倘有問者。必以此答。同上

當生大歡喜。切勿懷憂惱。萬緣俱放下。但一心念佛。往生

極樂國上品蓮華生。見佛悟無生。還來度一切。同上

世情淡一分。佛法自有一分得力。娑婆活計輕一分。生西方

便有一分穩當。滿益大師

彈指歸安養。閻浮不可留。同上

歸命大慈父。早出娑婆關。同上

世之最可珍重者。莫過精神。世之最可愛惜者。莫過光陰。一念淨。即佛界緣起。一念染。即九界生因。凡動一念。即十界種子。可不珍重乎。是日已過。命亦隨滅。一寸時光。即一寸命光。可不愛惜乎。苟知精神之可珍重。財不浪用。則念念執持佛名。光陰不虛度。則刻刻熏修淨業。徹悟禪師

悲哉衆生。欲念未除。道根日壞。佛之視汝。將何以堪。彭二林子等歸向極樂。全須打得一副全鐵心腸。外不爲六塵所染。內不爲七情所錮。汙泥中便有蓮華出現也。同上蓮華種子。榮悴由人。時不相待。珍重珍重。同上